

Schlusswuert vum Fraktiounsspriecher

Duerch eis Froen an Är Äntwerten ass elo munches am Budget méi kloer ginn. Iwwer munch Äntwert kënnst een nach diskutéieren, mä hei ass elo net méi d'Zäit an d'Plaz; mir maachen dat dann op enger anerer Plaz.

Fir eis Fraktioun wëll ech prinzipiell dëst festhalen: Als CSV stoungen mir dës Legislaturperiod a sti mir och déi lescht Méint vun där Period fir eng konstruktiv-kritesch Zesummenaarbecht am Intressi vun eiser Uertschaft.

Mir engagéieren äis do, wou d'Geleeënheet derzou sich bitt: hei am Gemengerot, an de Kommissiounen. Mir ginn eis Impulser a mir schaffen am Beräich vun der Kultur (ArcA, Museksschoul) intensiv mat..

Déi ganz grouss Projeten hei am Budget sinn och eis Uleies. Duerfir maache mir keng fundamental Oppositoun. Mir droen déi Projete mat – am Intressi vun eise Matbiergerinnen a Matbierger. Fir deen een oder anere Projet hu mir äis scho ganz laang staark gemaach an Iwwerzeechungsarbecht geleescht.

Munches ass a geet äis awer net séier genuch. Munches geet net ganz an déi Richtung, déi mir äis gewënscht hätten.

Mir erkennen un, datt dëse Budget iwwer 58 Mio en imposante Budget ass.

Hie spigelt ouni Zweifel eng gesond Finanzlag erëm.

Eise Vote wäert deem Rechnung droen, wat mir u Positivem, awer och u Kriteschem ausgeschwat hunn. Zouglaich wäert äise Vote där grondsätzlecher Haltung entspriechen, déi ech hei nach mol skizzéiert hunn.